

之恩藉仙靈裁成之力今齋主其願天聲構扣地勤拳承生德於紫虛提死魂於黃澤今夕何夕謹遵鍊度之科此時彼時永遠超凌之志伏願和同四象混化二儀玉兔東飛乘戊龍而騰景金烏西邁策已虎以凝精左英

提鬱儀之輝右元鶴結璘之彩玉黃華之寶

井建流火之神庭接引陽靈為陶鑄於紫坵

提蒿陰英俾灌沐於幽塵九霄流鬱勃之光

五梵耀雁敷之粹還元返本俾萬竅以清明

養素回靈使百神而整真功該妙有道契虛

无疾乘保舉之功徑上虛玄之界鍊形成神

鍊神成氣永遊宴於玉京散形成氣聚氣成

形當飛翔於碧落庶戴岱溟之深惠不參與

蓋之玄功珠華光浮愧莫彈於葵藻翠華香

滿誠敢罄於蘋蘩願歆萬一之情恪副再三

之祝臣不勝虔祝之至

終獻

具位某上啓

三清上聖十極至尊三景高真萬仙元聖鍊度合會一切威靈以今夜氣朗清靈輝煥映

玉杓影轉催夜漏之將中銀漢光騰映霄輪之在上已鋪陳於壇席行召役於班聯願承帝渥之慈悲不軫民情之憔悴死魂受鍊永辭幽暗之鄉生氣登真常處光明之界當飛朱表為證玄功法事周圍別當奉送臣不勝懇禱之至

靈寶領教濟度金書卷之二十六

正一天師清微弟子 洪百聖 作 道教學術資訊網站

靈寶領教濟度金書卷之二十七

罪二

洞微高士開光救苦真人齊金真授

靈寶通玄弘教水南先生林靈真編

科儀立成品開度通用

分燈儀

步虛

高功詣三寶前

具位臣某誠惶誠恐稽首頓首再拜奏啓

玉清聖境元始天尊妙無上帝上清真境靈寶天尊妙有上帝太清仙境道德天尊至真

大帝仰冀洪慈俯垂采錄切以朝輝燦爛煥

陽景於十華夜色朦朧藹陰氛於九野況三

途之沉滯與五趣之漂流業垢支離孰秉昏

衢慈悲之燭客塵束縛誰張迷途智慧之燈

終天不覩於光明浩劫永淪於幽暗是以玄

尊垂憫師寶興憐回耀飛光著瓊章之典式

燃燈度命昭金籙之威儀密假神輝用開鬼

趣今有齋主某崇建某齋闋度亡故某羅敷

丹悃俯仗玄恩遵寶範以宣揚爾瑤壇而瓊

燦仰賴九光聖彩榮煌密映於蘭膏三氣靈

燦仰賴九光聖彩榮煌密映於蘭膏三氣靈

芒是朗潛通於蓮炬變凡為聖與道合真上
照諸天增陸離於經緯下明列壘散鬱勃於
寰瀛俾泉曲以長春極羅鄴而不夜九幽息
苦庶獄停酸恭對道前加持燈果

大聖元始天尊

臣聞清微御運宸光照耀於無方天寶流思
惠澤周廻於有截輝燁玉毫之散景昭彰全
相之騰輝愆界色界無色界徹大羅天虛無
洞煥潤澤采澤大風澤巨網維地家廓開明
徑提九夜之魂疾上三華之景還明破暗藉
玄氣以扶搖起死迴骸企神功之錯落萬靈
共仰一炬初燃

點玉清前燈

太空無象神化無方 巍巍大梵 龍漢延康
元始毫相 朗映流光 慧光下燭 開泰幽鄉
諸天洞耀 八景含芒 沉魂濟度 利澤無疆

大聖靈寶天尊

臣聞萬餘化依五劫之津梁靈寶垂光
赫赫萬方之柱石示玄珠而流精鬱勃揭玉
鑑而寶器昭回三界上雲層我我恢張陽梵

八維表風輪混混開廓陰靈是無極之靈輝
破有情之業累真光照夜羅鄴被乘晨希陽
之仁元氣開幽寒庭獲飛空步虛之樂雙枝
呈瑞兩炬齊明

點上清前燈

陰陽代序 元始居中 神光下映 三極流通
變化回耀 二景溟濛 玄黃呈彩 玉晨飛虹
重昏幽暗 惡業消融 天地開泰 萬化飛空

大聖道德天尊

臣聞太赤開圖正一舒光於慧日神寶御世
西三洞映於慈雲種朱實而借燦流輝育紫
精而徘徊示象配日月星宿循環之景落落
高張開地水火風渙散之魂巍巍大梵廓萬
遍無垠之惠散九圍有脚之春續景運陽始
氣布洪鈞之澤變夜作晝雲風陶黃壤之和
三炬光明九幽思動

點太清前燈

元始集神 洞照回光 天上地下 煥耀雲芒
三途開泰 八妙乘陽 諸天權悅 虎嘯龍驤
晃朗心珠 耀映八荒 長夜寒泉 蒙恩飛揚

燈光無盡天尊

臣聞一生二二生三三生萬物地法天天法
道法自然降三天無量之慧光極十極有
情之昏暗朱熺明而一朝是朗丹心徹而九
夜昭融假玉爰以宣通憑金符而播告幽關
肆開共瞻碧落之輝輝冥路宏開咸仰清虛
之燦燦回輝神呪謹為宣揚

九陽至精 三天道明 日月神華 星光合明
三華寶耀 混合群精 三寶發華 慧光發神
長降飛玄 下燭幽明 慧光一照 遍徹十方
三塗罷對 五苦停酸 火山息焰 冰消雪局
刀化玉樹 劍變霖林 鐵城摧毀 魂升玉清
臣今上請 願賜開明 日月靈童 星光真人
一十二員 稽首奉行 分燈慧光 照徹寒庭
和與道合真

赤明開圖 運度自然 開明三景 億劫之先
今日大願 沉魂受鍊 重昏幽暗 永閉寒泉
欲請慧光 照燭幽關 冰寒溫和 爐炭息焰
刀山劔樹 永斷攀懸 回光十方 照耀諸天
蠲消五累 業除勾連 三晨洞輝 永劫元元

開明童子承恩上願 三光玉女請如斯言
和與道合真

巨闢三寶神光闢重泉之幽暗九霄靈景廓
列星以乘晨顧矜鬼越之幽家必藉神輝而
照燭煌煌金炬流華昭象於虹霓奕奕銀缸
度影高寒於河漢潛分帝所廣映神鄉宜乘
三極之靈芝克耀十華之麗色見前清衆謹
為分輝

流光法界天尊

遍照內外 明燈頌旋逸

正一陽光燄上朱煙 闕光童子 一十二人
洞照天下 回及我身 百邪摧落 殺鬼萬千
光明朗徹 連真通靈 昇入无形 與道自然
和願得長生

向來分燈破暗功德周圓伏願神燈朗映夜
燭煥流芳徹無垠顯破暗開幽之妙下通有
間昭停暖息苦之功即使亡故某人乘此光
華頓消障累拔出地戶永辭陰夜以逍遙無
拘天門疾證陽華而快樂三途昭朗五道開
明稽首无極大道志心稱念燈光清照天尊

和不可思議功德

頌玉札儀

華夏贊引捧玉札至道前

法師上香長跪

具位 某誠惶誠恐稽首頓首再拜

上言巨闢天地之大德曰生仁周三極日月
之容光必照恩動九幽能提冥漠之靈儀重
藉虛无之聖澤重敷丹赤上扣紫清以今奉
為某人崇建其齋開度亡故某輪迴有生循
環无始慈海深千尋之浪四大各離昏衢揚
萬心之塵三塗斯墮羅網香香鬱絕沉沈期
攝形魂觀金容而受鍊惟憐將吏宣玉札以
開光曾露奏於朱章諒風行於玄教俯矜素
悃曲運洪恩茲臨召役之期再切忱恂之請
伏望慈悲應物視聽自民頌紫英龍虎之章
付臣遵奉宣玄曹雌雄之吏佐 臣行持庶幽
路以丕承俾冥途而敬聽開闢啓道希雷霆
有赫之威攝魄召魂施雨露無私之化奉奉
皈命冀翼神臣不勝激切祈思伺命之至
靈通感應天尊引札至神虎幕

普獻頌

普獻無邊聖 香烟散十方 願乘七寶臺
垂光五濁世 願度亡靈衆 咸令上法橋
同人曾證无為 勤修不退轉

洒淨

上法靈寶玄壇焚香開啓其靖靈寶追攝總
局諸部仙靈官吏城隍里域監臨翊衛虛空
鑒察一切威靈悉仗真香津同供養伏以元
始開闢扇慈風於八極虛皇御運煥慧日於
九垓北魁端神虎之曹東極設飛龍之吏諸
司恭布列職星羅皆上贊於紫宸庸下提於
黑鬱混元鐵券乘晨彌命於神真靈寶金符
照夜駿奔於山嶽敷帝師昭天漏泉之澤佐
乾坤迴骸起死之恩凡伸開度之忱曾藉維
持之造今有齋主某人於茲真識隨彼幽冥
請命帝庭已降開幽之王勅歸心聖域受祈
破暗之玄威諒體德音聿飛神馭茲馨忱恂
之禱庸伸召役之儀風馬雲車迅玄虛而蒞
止金戈玉鉞馳碧落以來臨法衆運誠志心
奉請

(107) A B 1-2

至心奉請北魁玄乾府神虎追魂陽精輝
 明昭靈大帝陰精輝靈威神大帝雄左大
 力統制百節三魂玉曹玄伯何大神雌右
 武鸞提魂攝魄飛符玉札主吏喬大神三
 部追魂使者神虎一十五員使者倒生玄
 司七玉女七將軍五道功曹監魂童子引
 冤童子對魂虛功曹聚魂劉將軍尋魂馬
 將軍整魂太乙君神虎玉司紫微金光郭
 大將軍追魂攝魄大將太玄夜光玉女八
 卦追魂聚魂大神聚魂使者聚形使者北
 斗籙落大將軍大召小召真人三界追魂
 攝魄趙將軍引魂童子玉女監獄使者北
 斗太乙玄冥司追魂神將七具玉女十二
 時主直玉札神將陽耀通關陰靈攝魄神
 將黃錄院統兵助法開教通靈通天入地
 追魂攝魄功曹使者一十五員使者一百
 二十五員追魂將軍入天地諸獄追魂十
 使者青玄左府夜光招魂神司玉女判吏
 引魂追魂尋魂司靈官功曹金闕內臺五
 部攝魄天將玉都玄臺內省升天入地入

水入火飛空追攝大使十二月追魂將軍
 合備更兵惟願雲車仙仗俯降來臨今日
 今時召魂顯現
 志心奉請其靖主將其副將其護道其監
 壇其諸省府院司追攝官吏惟願雲車仙
 仗俯降來臨今日今時召魂顯現
 志心奉請當境土地里域真官遠近廟貌
 祀典神眾惟願雲車仙仗俯降來臨今日
 今時召魂顯現
 初獻 散花
 伏以九霄錫慶天開西壁之金章三洞流光
 神授東華之玉篆左右列雌雄之職陰陽分
 魂魄之曹執典樞機允茲威武玄旌耀日御
 三界以星馳鐵騎嘶風廓八紘而雷動無遠
 弗屆有礙皆通今有齋主某崇建某齋開度
 亡故某人切慮苦海飄流迷途馳騁飛容塵
 於五蘊報障誰矜攤業垢於七情惡根自滓
 致鼓三官之筆遠沉六洞之區玉律金條凜
 女青之考對銅關鐵壘慘混黃之拘維長夜
 幽幽寒丘寂寂獄吏舞文而含冤莫訴恩官

奮武而茹苦無源非憑攝召之威曷副超凌
 之望天關密扣恩輪下龍尾之輝地域遐開
 敕詔赦虎頭之尸欲伸激切期藉宣揚觀采
 燭於荷裏庶承流於楓禁宣靈實旨形鬼部
 衛於北鄩乘功德光與鬼攝提於下界勤奉
 有請懇禱無違執事恭陳亞獻
 亞獻 散花
 伏以度南宮而除罪簿帝渥恢張攝北鄩而
 檢鬼營神威煥耀既上承於芝檢諒下副於
 葵悅猶慮泉曲神翔單幽域有間無間之
 禁垣峻極天一太一之牢檻森嚴六洞十官
 霜肅推研之令三官九府雷轟訊鞠之威或
 山川嶽瀆之攸司或里域城隍之列職黃泉
 幽路黑壤冥關悉資神聖之雄為攝形鬼之
 正寃莫寃於三世四負親莫親於九祖七玄
 願假威靈溥行攝召排空馭氣遵火令而去
 若飛雲破幽入冥奔流鈴而迅猶掣電追呼
 五道管領四生均乘金闕之慈光來沐玄壇
 之惠澤聞經聽法坐令行室之春生度命登
 真行觀豹關之日近敷心切切俟命渠渠執

事奉陳終獻

終獻 散花

三獻既周一忱畢露玄壇符檢謹用宣告

法師宣告

伏以榮膺重綬典領樞機結三部於三田佩
七元於七戶光舒甲乙氣貫癸壬佩北杵之
符章握中魁之造化指呼三極嘯命羣靈
徹長夜之竟來陟陽明之界神威煥耀風火
無停敢有不承鄭刑赫奕比者躬朝金闕而
奉玉音降教詔以攝魂靈頒符章以役仙吏
汝等分靈兆質結氣稟形既聞召以來臨宜
叶恭而盡瘁上遵帝命下副民情我運北魁
徑開陰府大聖使者玉女將軍承此真光隨
我前進所有玉札敬為頒行汝宜欽承一如
靈寶玄壇律令

宣玉札

宣青玄追覓符錄

宣牒

伏以龍章誕布三天垂湛露之恩駟騎載馳
九地仰震霆之令願恭乃事爰疾其驅時行

萬程極侍衛送迎之喜普告三界無拘留逼
合之憂帝有恩言神毋曠職恪期感應不負
勲庸速去速來明彰報應

靈寶領教濟度金書卷之二十七

正一天師清微弟子 洪百堅 製作

道教學術資訊網站

靈寶領教濟度金書卷之二十八二十九

洞微高士開光救苦真人 齊金真經

靈寶通玄弘教水雨先生林靈真編

科儀立成品開度通用

催召儀

步虛 洒淨 上香

上清靈寶玄壇炷香關啓兼靖靈寶追攝總
局諸部仙靈官吏城隍里社監臨翊衛虛空
鑿察一切靈祇仗此寶香普同供養伏聞化
機轉生死之輪循環萬劫道氣貫陰陽之域
化育群靈煥七星以檢北鄴役三元而頒玄
範威張天政霜明嘯命之權勅制地祇雷動
追呼之令上窮碧落下洞黃泉啓路開關使
超凌之有便提魂攝魄宜時刻以無違頃為
齋主某人開度亡故某人奏對彤輝頒行丹
詔微仙僚而策後迎爽魄以昇遷冀運洪慈
克符素惱今則籍沉漏寂夜氣無塵斗轉星
移天光有耀寶鐸琳琅於風際靈幡縹緲於
空中芝餌橫陳蘭湯顯設宜疾行於告召期
立副於感通激切申言高明丙鑿清衆運誠